



Inatsisinik allaffissornikkullu peqqussutinik teknikkikkut aaqqissuussisarnermut malittarisassat

Naalakkersuisut suleriaasiat pillugu Namminersorlutik Oqartussat nalunaarutaat nr. 28, 13. juuli 2022-meersumi kapitali 9 naapertorlugu aalajangersarneqarput:

Kapitali 1

Inatsisissatut siunnersuutip oqaasertalersorneqarnera pillugu

1.1. Inatsisissatut siunnersuutip oqaasertalersorneqarnera pillugu

Inatsisissatut siunnersuut ersarissumik, tulleriissaartumik periaaseqarluni, paasiuminartumik atuaruminartumillu oqaasertalersorneqartariaqarpoq.

1.2. Inatsisip aggulunneqarnera agguarneqarneralu

Inatsit atuakkani, immikkoortuni, kapitalini paragraffinilu aggulunneqarsinnaavoq. Paragraffit immikkoortuni, normuni, litra-ni aammalu rumamiut kisitsisaanni mikisuni aggulunneqarsinnaapput. Tamatuma saniatigut oqaaseqatigiinni ataasiakkaani taaneqartuni “oqaaseqatigiit” allangortitsisoqarsinnaavoq aammalu oqaatsit ataasiakkaat aamma allangortinneqarsinnaapput. Oqaatsit ataasiakkaat allangortinneqarneranni, allannguutip aamma kalaallisoortaani allangortinnissaa qulakkeerpeqassaaq.

Inatsisip atuakkani aggulunneqarsimalluni annertoorujussuusarnera qaqutigoortorujussuarmik pisarpoq. Kisianni assersuutitut taaneqarsinnaavoq danskit eqqartuussisarnermut inatsisaat. Aamma inatsisip immikkoortuni aggulunneqartarnera qaqutigoorpoq, kisianni assersuutitut Kalaallit Nunaannut eqqartuussisarnermut inatsit taaneqarsinnaavoq.

Inatsisip kapitalini aggulunneqartarnera, illuatungaani nalinginnaasuuvoq. Taamaattoq inatsit kapitalini aggulunneqassaguni aalajangersimasumik takissuseqassaaq, paragraffit 15-20-uppata amerlaneruppataluunniit pitsaanerussalluni. Kapitalini agguluinissamut taarsiullugu paragraffit qulaanni qulequtaa allallugu atorneqarsinnaavoq.

1.3. Inatsisip imarisaasa agguarneqartarnerat

Inatsisip imarisaasa tulleriinnilerneqarnera tamatigut matuma kinguliani allattukkatut sularineqartarpoq. Taamaattoq inatsit qulequttanik inatsisip siunertaata angunissaanut pisariaqartunik, taamaallaat imaqartinneqartariaqarpoq. Inatsisit atuutereersut uteqqinneqartariaqanngikkaluarput.

1) Inatsisip siunertaa pillugu aalajangersakkat.

- Inatsisip siunertaa inatsimmut nassuiaatini nalinginnaasuni siullersaalluni allassimavoq. Inatsisip siunertaa aamma inatsisip oqaasertaanni

allanneqassappat, inatsisip inatsisitigut nassuiarneqarnissaanut pisariaqartutut, taamaangippat nassuiaatini nalinginnaasuni imaluunniit aalajangersakkanut ataasiakkaanut nassuiaatini isumagineqarsinnaangitsutut, nalilerneqarnera pissutaassaaq.

2) Inatsisip atuuffissaa pillugu aalajangersakkat.

- Inatsisip atuuffissaani inatsisip qulequtaa inatsisillu allatigut imarisai malinneqartarput. Taamaattumik aatsaat inatsisip oqaatsitigut pissusissamisootumillu atuuffissai annikillineqassappata imaluunniit annertusitinneqassappata, inatsisip atuuffissaa allanneqartussaavoq.

3) Nassuiaassutitut aalajangersakkat.

- Oqaatsini taaguutinilu aallaaviatigut nalinginnaasumik isumaat atorineqassapput, tassa imaappoq, ordbogi naapertorlugu isumai. Taamaattumik inatsisip oqaasertai taaguutillu nalinginnaasumik isumaannut sanilliullugu naleqqussartariaqarpata, aatsaat nassuiaassutitut aalajangersakkat atorineqassapput.

4) Innuttaasut pisinnaatitaaffii pisussaaffiilu pillugit aalajangersakkat.

- Taanna inatsimmi qitiutinneqarpoq.

5) Piginnaatitaaneq suliassanillu suliarinninneq il.il. pillugit aalajangersakkat.

- Maleruagassani taakkunani ilaatigut suliassanik suliarinnittarnermut inatsit, pisortat ingerlatsinerannut inatsit aamma inunnut paasissutissanut peqqussut nalinginnaasumik malinneqassapput. Taamaattumik inatsisip allat tamanna pillugu aalajangersakkanik imaqanngippata aatsaat tamatumunnga aalajangersakkanik ilanngussisoqassaaq. Inatsisip allani aalajangersakkat aallaaviatigut inatsimmi uteqqinneqassanngillat.

6) Pineqaatissiisarnermut il.il. aalajangersakkat.

- Inatsisip unioqqutinneqarnera pinerluttulerinermut inatsisip pineqaatissiinermik il.il. malitseqarsinnaassappat, taakkua tassani allanneqassapput.

7) Atuutilernissaa pillugu aalajangersakkat.

- Inatsisartut inatsisai nalinginnaasumik ulloq 1. januar imaluunniit 1. juli atuutilertarput, tassa imaappoq Inatsisartut ataatsimiinnerisa naammassereernerisa kingorna. Namminersorlutik Oqartussat nalunaarutai nalinginnaasumik qaammatip aallartinnerani imaluunniit atuutilernerannik nalunaarutiginninnerup aqaguani atuutilertarput.

8) Atorunnaarsitsinissamut ikaarsaariarnermullu aalajangersakkat.

- Inatsisip inatsimmi allamik atorunnaarsitsinerani, tamanna tassani allanneqassaaq. Inatsisip inatsit alla atorunnaarsissimappagu, peqatigisaanik ikaarsaariarnermut aalajangersakkanik ilanngussinissaq pisariaqarnerisooq isummerfigineqassaaq.

9) Inatsisip allani sunniutaasumik allannortitsinissaq pillugu aalajangersakkat.

- Inatsimmi allami sunniutaasumik annikinnerusumik allannortitsinissaq, inatsimmi pisariaqarpat, taakkua tassani ilanngunneqarsinnaapput. Tamanna

allangortitsinermut inatsimmik nutaamik suliaqarnissamut taarsiullugu pissaq.

10) Piffissatigut atuunnera imaluunniit kukkuniuineq il.il. pillugit aalajangersakkat.

- Inatsit piffissami aalajangersimasumi taamaallaat atuuttussaappat, tamanna tassani allanneqassaaq. Aallaaviatigut aalajangersakkat taamaattut atorneqartanngillat. Aammalu inatsisip piffissap ingerlareernerani iluarsineqarnissaa siunertaasimappat, nalinginnaasumik ukiut 3-5, taava tamanna aamma tassani allanneqassaaq.

11) Nunamut atuuffissaa pillugu aalajangersakkat.

- Inatsit nunamut tunngatillugu Kalaallit Nunaat tamakkerlugu atuuttussaasimanngippat, tamanna tassani allanneqassaaq. Aallaaviatigut inatsisit Kalaallit Nunaat tamakkerlugu atuuttussaapput. Aallaaviusoq taanna saneqqunneqassappat, tamanna sooq pisariaqarnersoq Naalackersuisoqarfiup tunngavilersussavaa.

Kapitali 2

Inatsimmut pingaarnermut siunnersuut

2.1. Uunga siunnersuut: ... pillugu Inatsisartut inatsisaat

Ulloq 21. juni 2009 Kalaallit Nunaanni Namminersornerup atuutsinneqalernerata kingorna, inatsisit Inatsisartunit akuerineqartut taaneqartalerput *“Inatsisartut inatsisaat”*.

Inatsisartut inatsisissaannut siunnersuut immikkoortuni marlunni suliarineqartarpoq. Immikkoortoq siulleq tassaavoq inatsisip oqaasertai, immikkoortullu aappaa tassaavoq siunnersuummut nassuiaatit.

Siunnersuut qulequttamik aallartittarpoq. Qulequtaq naatsuusariaqarpoq eqqortuusariaqarlunilu, kisianni peqatigisaanik siunnersuutip imarisaannut pingaarnernut tunngassuteqartariaqarpoq. Qulequttat nuannarineqartut qaqutigoortuinnarmik atorneqartariaqarput. Qulequtaq nuannarineqartoq assersuutigalugu tassaatinneqarpoq (Unammilleqatigiinnermut inatsit).

Inatsit pingaarneq ataani qulequtaqanngilaq, allanngortitsinermut inatsisit kisimik taamaapput.

Assersuut:

Uunga siunnersuut:

... pillugu Inatsisartut inatsisaat

§ 1. ...

§ 2. ...

§ 3. ...

Namminersorlutik Oqartussat, ulloq x. xx xxx

Naalackersuisut Siulittaasuat

2.2. Inatsimmut nassuiaatit

Inatsit nassuiaatitaqarpoq.

Nassuiaatit immikkoortuni marlunni agguarneqarsinnaapput. Immikkoortumi siullermiipput nassuiaatit nalinginnaasut, aamma siunnersuutip sunniutissaannik isummersorfiusut. Immikkoortup aappaaniipput siunnersuummi aalajangersakkanut ataasiakkaanut nassuiaatit aamma taagorneqartut "*Nassuiaatit immikkut ittut*".

Tamatuma saniatigut tusarniaanermut allakkiaq nassuiaatinut ilanngussatut tamatigut ilanngunneqartussaavoq. Tusarniaanermut allakkiaq tassaavoq Naalakkersuisoqarfiup suliassaqarfimmut akisussaasuusup, tamanut ammasumik tusarniaanermi tusarniaanermut akissuteqaatinut tiguneqartunut isummenera.

2.3. Nassuiaatit nalinginnaasut

Nassuiaatit nalinginnaasut qulequttani pingaarnerni 8-ni agguarsimapput (qulequttat). Qulequttanut pingaarnernut taakkununnga ilanngussisoqaaqusaanngilaq, aammalu qulequttat pingaarnerni 8-t tamarmik paasinarsisinneqassapput.

Taamaattoq qulequttat pingaarnerni ataanni qulequttat ilanngunneqarsinnaapput (ataanni qulequttat). Aammalu taamaaliornissaq amerlanertigut naapertuuttussaavoq. Assersuutigalugu qulequtaq pingaarneq "*2. Siunnersuummi immikkoortut pingaarnerni*" tamatigut (minnerpaamik) marlunnik ataanni qulequtaqartarpoq; "*2.1. Inatsisit atuuttut*" aamma "*2.2. Siunnersuutip imarisai*".

Assersuut:

Siunnersuummut nassuiaatit

Nassuiaatit nalinginnaasut

1. Aallaqqaasiut

2. Siunnersuummi immikkoortut pingaarnerni

2.1. Inatsisit atuuttut

2.2. Siunnersuutip imarisai

3. Pisortanut aningaasaqarnikkut allaffissornikkullu sunniutaasussat

4. Inuussutissarsiortunut aningaasaqarnikkut allaffissornikkullu sunniutaasussat

5. Avatangiisinut, pinngortitamut inuillu peqqissusaannut sunniutaasussat

6. Innuttaasunut sunniutaasussat

7. Sunniutaasussat annertuut allat

8. Oqartussanut kattuffinnullu il.il. tusarniaaneq

2.4. Nassuiaatit immikkut ittut

Nassuiaatit immikkut ittut pisortatigoortumik taaguutigaat “*Siunnersuummi aalajangersakkanut ataasiakkaanut nassuiaatit*”.

Tassani inatsisip oqaasertaasa imarisai itisilerneqartarput. Nassuiaatini immikkut ittuni inatsimmi aalajangersakkat imarisaasa issuarneqaannarnissaat siunertarineqanngilaq. Siunertarineqarpoq nassuiaatini immikkut ittuni inatsimmi aalajangersakkat imarisaasa itisiliiviginissaat. Taamaattoq tassani inatsimmi aalajangersakkap imarisaanniissinnaasut qaangerlugit itisiliinnginnissaq mianersuunneqassaaq. Taamaalilluni nassuiaatini inatsisiliortoqaqqusaanngilaq.

Assersuut:

Siunnersuummi aalajangersakkanut ataasiakkaanut nassuiaatit

§ 1-imut

...

§ 2-mut

...

§ 3-mut

...

2.5. Tusarniaanermut allakkiaq

Nassuiaatini nalinginnaasuni qulequttat pingaarnerit ilagaat “8. Oqartussanut kattuffinnullu il.il. tusarniaaneq”

Siunnersuut piffissani suni tamanut ammasumik tusarniaassutigineqarsimanersoq, kiisalu siunnersuut kikkunnut toqqaannartumik nassiunneqarsimanersoq, nassuiaatini nalinginnaasuni qulequttap pingaarnerup ataani allanneqassaaq.

Taamaattoq Naalackersuisoqarfiup suliassaqarfimmut akisussaasuusup tusarniaanermut akissuteqaatinut tiguneqartunut isummernera nassuiaatini nalinginnaasuni sammineqassanngilaq, kisianni tusarniaanermut allakkiami immikkoortumi, nassuiaatinut ilanngussatut ilanngunneqartumi sammineqassalluni.

Tusarniaanermut allakkiami siunertaavoq, tamat siunnersuummut qanoq isummersornerat kiisalu Naalackersuisoqarfiup suliassaqarfimmut akisussaasuusup tamatumunnga isummernera pillugit politikerinut innuttaasunullu paasissutissiinissaq. Tusarniaanermut akissuteqaatit issuarneqarnerat imaluunniit eqikkarneqarnerat tatiginartuussaaq aammalu tusarniaaffigineqartut ataasiakkaat akerliliissuteqarsimasinnaanerat kaammattuuteqarsimasinnaanerallu il.il. ilanngunneqassallutik.

Tusarniaanermut allakkiaq atuaruminartunngorlugu paasiuminartunngorlugulu oqaasertalerneqassaaq, tassa imaappoq allaatigisatut ilusilerlugu aammalu immersukkatut, takussutissiatut assigisaatulluunniit ilusilernagu. Tusarniaanermut akissuteqaatini ilaatinneqartut, inatsisit teknikkitaannut innersuussinertut isikkoqartut, tusarniaanermut allakkiami ilanngunneqassanngillat.

Assersuut:

Ilanngussaq 1
Tusarniaanermut allakkiaq
Siunnersuut piffissami ... tamanut ammasumik tusarniaassutigineqarpoq
Siunnersuut kattuffinnut suliffeqarfinnullu makkununnga ... toqqaannartumik nassiunneqarpoq
<u>Suliffeqarfik X allappoq:</u>
...
...
...
<u>Naalackersuisoqarfiup suliassaqarfimmut akisussaasuusup oqaaseqaatai:</u>
...
...
...

Kapitali 3

Allangortitsinermut inatsisissamut siunnersuut

3.1. Uunga siunnersuut: ... pillugu Inatsisartut inatsisaata allangortinneqarnissaa pillugu Inatsisartut inatsisaat

Allangortitsinermut inatsit tassaavoq Inatsisartut inatsisaat, Inatsisartut inatsisaanni allami, Inatsisartut inatsisaanni imaluunniit Inatsisartut peqqussutaanni allangortitsisoq.

Taamaattumik allangortitsinermut inatsisip qulequtaraa “ ... *pillugu Inatsisartut inatsisaata/Inatsisartut inatsisaata/Inatsisartut peqqussutaata allangortinneqarnissaa pillugu Inatsisartut inatsisaat*”. Qulequtaani inatsisip normua ullualu allanneqassanngillat.

Allangortitsinermut inatsit tamatigut ataani qulequtaqarpoq, tassani allannguutit annertunerpaat imarisai naatsumik allanneqassallutik.

“§ 1” kingorna inatsit normoqartoq ulloqartorlu, allannguuteqartinneqartoq allanneqassaaq, aammalu inatsimmut pingaarnermut allangortitsinermut inatsisit tamarmik aamma allatorneqassallutik. Inatsit pingaarneq tallimariarnermit amerlanerusunik allangortinneqarsimappat, tamatumunnga taarsiullugu allangortitsinermut inatsit kingulleq kisimi allanneqassaaq.

Allannguutit ataasiakkaat normui tulleriissillugit allatorneqassapput.

Assersuut:

Uunga siunnersuut:

... pillugu Inatsisartut inatsisaata allangortinneqarnissaa pillugu Inatsisartut inatsisaat

(Ataani qulequtaq)

§ 1

Inatsisartut inatsisaanni nr. x, x. xx xxx-meersumi, Inatsisartut inatsisaanni nr. x, x. xx xxx-meersumi aamma Inatsisartut inatsisaanni nr. x, x. xx xxx-meersumi allangortinneqartumi, makkua allangortinneqarput:

1. (allannguut)

2. (allannguut)

3. (allannguut)

§ 2

Inatsisartut inatsisaat ulloq x. xx xxx atuutilerpoq.

Namminersorlutik Oqartussat, ulloq x. xx xxx

Naalakkersuisut Siulittaasuat

3.2. Namminersorlutik Oqartussat inatsimmut nalunaarummik saqqummiussisimappata, allangortitsineranut inatsimmut aallarniineq

Inatsimmut allangortinneqartumut Namminersorlutik Oqartussat inatsimmut nalunaarutaat atuutsinneqalersimappat, allangortitsineranut inatsimmut aallarniutaasoq imatut allanneqassaaq:

Assersuut:

Uunga siunnersuut:

... pillugu Inatsisartut inatsissaata allangortinneqarnissaa pillugu Inatsisartut inatsisaat

(Ataani qulequtaa)

§ 1

... pillugu Inatsisartut inatsisaanni, takuuk Namminersorlutik Oqartussat inatsimmut nalunaarutaat nr. x, x. xx xxx-meersoq, makkua allangortinneqarput:

3.3. Allangortitsineranut inatsimmut nassuiaatit

Allangortitsineranut inatsit nassuiaatitaqarpoq.

Allangortitsineranut inatsimmut nassuiaatit, nassuiaatit nalinginnaasut aammalu nassuiaatit immikkut ittut, inatsisip pingaarnarup suliarineqartarneratut suliarineqassapput.

Taamaattumik takuuk inatsisinut pingaarnarut tamatumunnga immikkoortoq.

3.4. Allanguutitut takussutissiaq (Sanileriinnik oqaasertalik)

Aalajangersakkat sorliit allangortinneqarnersut kiisalu qanoq allangortinneqarnersut paasisimaarilersinniarlugu, allangortitsinermit inatsisinut tamatigut takussutissiaq (sanileriinnik oqaasertalik) ilaatinneqartarpoq, tassani allanguutit allatorneqartarlutik.

Takussutissiami saamerlermi inatsimmi aalajangersakkat ullumikkutut isikkoqartillugit (oqaasertai atuuttut) allatorneqassapput. Aammalu takussutissiami talerpillermi allanguutissatut siunnersuutigineqartut allatorneqassallutik.

Assersuut:

Ilanngussaq 1	
Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Siunnersuut</i>
	§ 1 Inatsisartut inatsisaanni nr. x, x. xx xxx-meersumi, Inatsisartut inatsisaanni nr. x, x. xx xxx-meersumi aamma Inatsisartut inatsisaanni nr. x, x. xx xxx-meersumi allangortinneqartumi, makkua allangortinneqarput:
	1. (allanguut)
	2. (allanguut)
	3. (allanguut)

3.5. Tusarniaanermut allakkiaq

Allangortitsinermut inatsit inatsisitut pingaarnertuulli tusarniaanermut allakkiartaqarpoq. Taamaattoq allangortitsinermut inatsimmi tusarniaanermut allakkiaq “Ilanngussaq 2”-miippoq, tassami “Ilanngussaq 1” tassaammat sanileriinnik oqaasertalik.

Kapitali 4

Ataatsimoortitsinermut inatsimmut siunnersuut

4.1. Uunga siunnersuut: ... pillugu Inatsisartut inatsisaata allangortinneqarnissaa, ... pillugu Inatsisartut inatsisaata allangortinneqarnissaa aamma ... pillugu Inatsisartut inatsisaata allangortinneqarnissaa pillugit Inatsisartut inatsisaat

Ataatsimoortitsinermut inatsit tassaavoq allangortitsinermut inatsit, tassani inatsisit arlallit ataatsikkut allangortinneqarlutik. Inatsisini ataasiakkaani allannguutit imminnut qanimut ataqatigiippata, aatsaat ataatsimoortitsinermut inatsit atorneqaqqusaavoq. Tassa imaappoq, inatsisip pingaarnerup imarisaasa atuutsinneqalernissaannut, inatsisit arlallit allangortinneqarnissaat pisariaqartoq.

Allangortitsinermut inatsisit tamarmik immikkut paragraffiligaapput (§).

Assersuut:

Uunga siunnersuut:

... pillugu Inatsisartut inatsisaata allanngortinneqarnissaa, ... pillugu Inatsisartut inatsisaata allanngortinneqarnissaa aamma ... pillugu Inatsisartut inatsisaata allanngortinneqarnissaa pillugit Inatsisartut inatsisaat

(Ataani qulequtaa)

§ 1

Inatsisartut inatsisaanni nr. x, x. xx xxx-meersumi, Inatsisartut inatsisaanni nr. x, x. xx xxx-meersumi aamma Inatsisartut inatsisaanni nr. x, x. xx xxx-meersumi allanngortinneqartumi, makkua allanngortinneqarput:

1. (allannguut)

§ 2

Inatsisartut inatsisaanni nr. x, x. xx xxx-meersumi, Inatsisartut inatsisaanni nr. x, x. xx xxx-meersumi aamma Inatsisartut inatsisaanni nr. x, x. xx xxx-meersumi allanngortinneqartumi, makkua allanngortinneqarput:

1. (allannguut)

§ 3

Inatsisartut inatsisaanni nr. x, x. xx xxx-meersumi, Inatsisartut inatsisaanni nr. x, x. xx xxx-meersumi aamma Inatsisartut inatsisaanni nr. x, x. xx xxx-meersumi allanngortinneqartumi, makkua allanngortinneqarput:

1. (allannguut)

§ 4

Inatsisartut inatsisaat ulloq x. xx xxx atuutilerpoq.

Namminersorlutik Oqartussat, ulloq x. xx xxx

Naalakkersuisut Siulittaasuat

Kapitali 5

Allannguutissatut siunnersuutit

5.1. Allannguutissatut siunnersuutit Naalackersuisunit saqqummiunneqartut

Siunnersuutip Inatsisartuni saqqummiunneqareernerani, kisianni taassuma akuerineqarnissaa sioqqullugu, taanna allannguutissatut siunnersuummi allanngortinneqarsinnaavoq.

Allannguutissatut siunnersuutit Naalackersuisunit imaluunniit Inatsisartunut ilaasortanit, nalinginnaasumik Inatsisartuni ataatsimiititaliamit siunnersuummik suliarinnittumit, saqqummiunneqarsinnaapput.

Allannguutissatut siunnersuummi allannguutit aalajangersakkanit allannguuteqartinneqartunit annertuallaamik allaanerussuteqaqqusaanngillat. Allannguutissatut siunnersuutit aalajangersakkallu allannguuteqartinneqartut imminnut “ilisarnartuussapput”. Tamatumunnga pissutaavoq inatsisissatut siunnersuutip inaarutaasumik akuerineqarsinnaalinnginnerani Inatsisartuni pingasoriarluni suliarineqartussaanera. Allannguut aalajangersakkamit allannguuteqartinneqartumit allaanerussuteqarpallaarpat, pingasoriarluni suliarinninnissaq pillugu piumasaqaat naammassineqarsimassanngilaq.

5.1.2. Allannguutinik oqaasertaliineq

Allannguutissatut siunnersuummi *inatsisissatut siunnersuut* suliarisassanngortinneqartoq allannguuteqartinneqassaaq, inatsimmi inatsisissatut siunnersuummi allanngortinneqartussami allannguuteqartitsisoqartussaananani. Nalinginnaasumik allanngortitsinermut inatsimmut siunnersuut marluinnarnik paragraffeqartarpoq, taakkunani aappaa allannguutinik normulersukkanik arlalinnik imaqartarluni, aappaanilu ulloq atuutilerfissaa aalajangersarneqartarluni.

Allannguutissatut siunnersuut allanngortitsinermut inatsimmut eqqaanarpoq, kisianni assigeeqqissaaratik. Allannguutissatut siunnersuummi allanngortinneqartussatut kissaatigineqartumi inatsisissatut siunnersuummi allannguutit normulersugaasut kiisalu aalajangersagaq qanoq allanngortinneqassanersoq, allassimassapput. Assersuutigalugu § 17 nutaamik oqaasertalerneqassappat, allannguut allanneqassaaq: ”§ 1, nr. 3-mi, § 17 imatut oqaasertalerneqarpoq:” Tamatuma saniatigut allannguutissatut siunnersuut atuutilerfissaanut aalajangersagartaqanngilaq, kisianni allannguutissatut siunnersuummi inatsisissatut siunnersuummi atuutilernissaanut aalajangersagaq eqqarsaatigineqartoq imatut allanngortinneqarsinnaavoq: ”§ 2 imatut oqaasertalerneqarpoq:” Taamaanngippat allannguutit allanngortitsinermut inatsisissamut siunnersuummi pisartutut oqaasertalerneqassapput.

5.1.3. Inatsimmut pingaarnermut siunnersuummi aalajangersakkanik nutaanik ilanngussineq

Allannguutissatut siunnersuummi inatsimmut pingaarnermut siunnersuummi paragraffinik nutaanik ilanngussisoqarpat, taakkua normulersorneqassapput § 01, § 02, § 03 il.il. Immikkoortunik nutaanik ilanngussinermi taamaaqatai atuupput.

Tamatumunnga tunngaviusoq tassaavoq, Inatsisartut allannguutissatut siunnersuutitik assigiinngitsunik arlalinnik, tamarmik assersuutigalugu § 4 malillugu aalajangersakkanik nutaanik ilanngussiviusunik, akuersissuteqarsinnaanerat. Taakkunanilu aalajangersakkanit nutaanit taakkunannga ataasiinnaq taamaattoqartillugu paragraffi 5-imik normulerneqartariaqarluni.

Aalajangersaanissaq sioqqullugu inaarutaasumik akuerisatut iluseqartillugu inatsisissatut siunnersuutip iluarsineqarnerani, Inatsisissanik Nalilersuisarfiup paragraffit immikkoortullu allannguutissatut siunnersuummi ilanngunneqartut inaarutaasumik normulersussavai. Peqatigisaanik Inatsisissanik Nalilersuisarfik inatsimmi akuerineqartumi aalajangersakkani allani §-inik aamma imm.-normulersorneqarnerinik aammalu §-inut innersuussivinnut pisariaqartunik sunniutaasunik iluarsiijsaaq.

Taamaattumik inatsimmut pingaarnermut siunnersuummut allannguutissatut siunnersuut sunniutaasut allanneqarnerannik imaqaqqilaq, soorlu assersuutigalugu ”Imm. 3-5 tamatuma kingorna imm. 4-6-inngorput.”, imaluunniit ”§§ 17-23 tamatuma kingorna §§ 18-24-nngorput.”

Allannguutissatut siunnersuummi inatsimmut pingaarnermut siunnersuummi paragraffinik nutaanik ilanngussisoqarpat, allannguut qulequtserneqassaaq ”Aalajangersagaq nutaaq”

Allannguutissatut siunnersuut inatsisip oqaasertaasa saniatigut aamma nalinginnaasunik immikkullu ittunik nassuiaatitaqarpoq.

Assersuut (Allanngortitsinermut inatsimmut allannguutissatut siunnersuut):

Allannguutissatut siunnersuut

uunga

Uunga siunnersuut: ... pillugu Inatsisartut inatsisaata allanngortinneqarnissaa pillugu Inatsisartut inatsisaat (ataani qulequtaa)

Aappasaanneerinissamut Naalakkersuisunit saqqummiunneqartoq:

§ 1-imut

1. § 1, nr. 3-mi, § 9 imatut oqaasertalerneqarpoq:

” § 9. ...”

2. I § 1, nr. 6-imi, § 17, imm. 2, imatut oqaasertalerneqarpoq:

” Imm. 2. ...”

§ 2-mut

3. § 2 imatut oqaasertalerneqarpoq:

” § 2. ...”

Allannguutissatut siunnersuummut nassuiaatit

Nassuiaatit nalinginnaasut

...
...
...

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

...

Nr. 2-mut

...

Nr. 1-imut

...

Assersuut (Inatsimmut pingaarnermut allannguutissatut siunnersuut):

Allannguutissatut siunnersuut

uunga

Uunga siunnersuut: ... pillugu Inatsisartut inatsisaat

Aappassaanneerinissamut Naalakkersuisunit saqqummiunneqartoq:

§ 2-mut

1. § 2, imm. 1, imatut oqaasertalerneqarpoq:

” ...”

Aalajangersagaq nutaaq

2. § 4 kingorna paragraffitut nutaatut ilanngunneqarpoq:

” § 01. ...”

Allannguutissatut siunnersuummut nassuiaatit

Nassuiaatit nalinginnaasut

...

...

...

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

...

Nr. 2-mut

...

Kapitali 6

Namminersorlutik Oqartussat nalunaarutaannut siunnersuut

6.1. Uunga siunnersuut: ... pillugu Namminersorlutik Oqartussat nalunaarutaat

Ulloq 21. juni 2009 Kalaallit Nunaanni Namminersornerup atuutsinneqalernerata kingorna, nalunaarutit Naalakkersuisunit atuutsinneqalersut taagorneqalerput “*Namminersorlutik Oqartussat nalunaarutai*”.

Nalunaarummut siunnersuut taamaallaat inatsisip oqaasertaannik imaqarpoq. Nalunaarut nassuiaatitaqanngilaq. Inatsisip oqaasertaannik inatsisilioriaaseq malillugu aqqissuussinermi, inatsisinut pingaarnernut periaatsit malinneqassapput.

Nalunaarut inatsimmi inatsisitigut tunngaveqassaaq. Inatsisitigut tunngavissaq taanna nalunaarummi aallarniutaasuni allassimassaaq. Nalunaarut Naalakkersuisunit akuersissuteqarfigineqareernerani Naalakkersuisumit pineqartumit taassumalu Naalakkersuisoqarfimmi pisortaanerani atsiorneqassaaq.

NB: Aallaaviatigut allannortitsinermut nalunaarutiniq suliaqartoqarsinnaanngilaq. Qaquitigoortumik allannortitsinermut nalunaarummik suliaqartoqassappat, tamanna Inatsisilerinermut immikkoortortaqaqarfimmut paasiniarneqassaaq.

Assersuut:

Uunga siunnersuut:

... pillugu Namminersorlutik Oqartussat nalunaarutaat

... pillugu Inatsisartut inatsisaat nr. x., xx xxx-meersumi, Inatsisartut inatsisaanni nr. x, xx xxx-imeersumi allannortinneqartumi § 9, imm. 3 naapertorlugu aalajangersarneqarput:

§ 1. ...

§ 2. ...

§ 3. ...

Namminersorlutik Oqartussat, ulloq x. xx xxx

Naalackersuisoq

/ Naalackersuisoqarfimmi pisortaaneq

6.2. Nalunaarummut ilanngussat

Nalunaarut ilanngussartaqarsinnaavoq, nalunaaruterpiaq assigalugu innuttaasunut inatsisitigut assinganik atuuttumik. Nalunaarummi takussutissiat, immersukkat, titartakkat imaluunniit assit ilaatinneqartussaappata, ilanngussat atorneqartarnerat nalinginnaasuvoq.

Assersuut:

Ilanngussaq 1

(Qulequtaa)

...
...
...

6.3. Tusarniaanermut allakkiaq

Nalunaarutininut aamma tusarniaanermut allakkiaq suliarineqassaaq. Tusarniaanermut allakkiaq Naalackersuisut isummernissaannut tunngavissiamut ilanngunneqassaaq kiisalu tusarniaanermut quppernermi ikkunneqassalluni.

Kapitali 7

Namminersorlutik Oqartussat inatsisinut nalunaarutaannut missingiut

7.1. Namminersorlutik Oqartussat inatsisaannut nalunaarutit pillugit

Namminersorlutik Oqartussat inatsisinut nalunaarutaat tassaavoq Namminersorlutik Oqartussat nalunaarutaat, inatsisip pingaarnep aammalu inatsimmut pingaarnep allannguutissatut inatsisit pisortatigoortumik ataatsimoortunngorlugu allanneqarneranik imaqartoq.

Inatsit pingaarnep tassaatinneqarpoq Inatsisartut inatsisaat imaluunniit Inatsisartut peqqussutaat.

Namminersorlutik Oqartussat inatsisinut nalunaarutaannik suliaqarnissamut akisussaaffik naalakkersuisoqarfimmi suliassaqarfimmut akisussaasuusumiippoq.

7.2. Namminersorlutik Oqartussat inatsisinut nalunaarutaata qulequtaa

Ataatsimoortunngorlugu allanneqarnera pineqartoq, aammalu inatsisip oqaasertai immikkut inatsisitut atuutilinngitsut, innuttaasut paasitinniarlugit Namminersorlutik Oqartussat inatsisinut nalunaarutai imatut oqaasertalerneqassapput:

... pillugu Inatsisartut inatsisaannut Namminersorlutik Oqartussat inatsimmut nalunaarutaat

Imaluunniit tassani Inatsisartut inatsisaata imaluunniit Inatsisartut peqqussutaata ataatsimoortunngorlugu allanneqarnera pineqarsimapput:

... pillugu Inatsisartut inatsisaannut/Inatsisartut peqqussutaannut Namminersorlutik Oqartussat inatsimmut nalunaarutaat

Qulequtaa normulerneqassanngilaq ullulerneqassananilu.

7.3. Namminersorlutik Oqartussat inatsimmut nalunaarutaannut aallaqqaasiut

Namminersorlutik Oqartussat inatsisinut nalunaarutaat, nalunaarutitut nalinginnaasutut, immikkoorluni inatsimmi tunngavissaanngilaq. Taamaattumik Namminersorlutik Oqartussat inatsisinut nalunaarutaannut aallaqqaasiut, Namminersorlutik Oqartussat nalunaarutaannut nalinginnaasumut aallaqqaasiutitut, oqaasertalerneqartanngilaq.

Namminersorlutik Oqartussat inatsisinut nalunaarutaannut aallaqqaasiut imatut oqaasertalerneqassaaq:

Matumuuna ... pillugu Inatsisartut inatsisaat, Inatsisartut inatsisaanni nr. x, xx. xxx-imeersoq, Inatsisartut inatsisaanni nr. x, xx. xxx-imeersoq aamma Inatsisartut inatsisaanni nr. x, xx. xxx-imeersoq malillugit allannguutit ilanngullugit, nalunaarutigineqarpoq.

Imaluunniit Inatsisartut inatsisaat imaluunniit Inatsisartut peqqussutaat tassani pineqarsimappat:

Matumuuna ... pillugu Inatsisartut inatsisaat/Inatsisartut peqqussutaat, Inatsisartut inatsisaat/Inatsisartut peqqussutaat nr. x, xx. xxx-imeersoq, Inatsisartut inatsisaanni/Inatsisartut peqqussutaat nr. x, xx. xxx-imeersoq aamma Inatsisartut inatsisaat nr. x, xx. xxx-imeersoq malillugit allannguutit ilanngullugit, nalunaarutigineqarpoq.

7.4. Inatsisip oqaasertaasa ataatsimoortunngorlugit allanneqarnerat

Inatsisip oqaasertaasa ataatsimoortunngorlugit allanneqarneranni, inatsisip oqaasertai tamanut nalunaarutigineqareersut ataatsimoortillugit allanneqassapput. Inatsisip oqaasertaa uani www.nalunaarutit.gl takuneqarsinnaasoq, inatsisip oqaasertaasa tamanut nalunaarutigineqareertut assilinerat. Taamaattumik Naalakkersuisoqarfiit inatsisip oqaasertai uani www.nalunaarutit.gl inissisimasut, Namminersorlutik Oqartussat inatsisaannut nalunaarutaannik suliaqarnerminni atussavaat.

Ataatsimoortunngorlugit allanneqarneranni oqaasertaanni tamanut saqummiunneqareersuni allanngortitsisoqarsinnaanngilaq. Taamaattoq teknikkinuinaq tunngasuuppata, annikinnerusumik aaqqissuussinermi allannguutit suliarineqarsinnaapput. Tassa imaappoq, assersuutigalugu oqaasertaanni tamanut saqqummiunneqareersumi § imaluunniit “Imm.” immikkoortup aallartinnerani allanneqanngitsoorsimappata imaluunniit taakkartuinnermi ataatsimi kisitsit il.il. ilanngunneqanngitsoorsimappat, tamanna iluarsineqarsinnaavoq iluarsineqartussaallunilu.

Allannguutissatut inatsisip oqaasertaa tamanut nalunaarutigineqareersoq assilillugu aammalu inatsimmi pingaarnermi ikkullugu, ataatsimoortunngorlugit allanneri suliarineqassapput. Inatsit ataatsimoortunngorlugu aneqartoq taamaalilluni inatsisitut nalinginnaasutut isikkoqalissaaq. Assigiinngissutigisatuaa tassaassaaq inatsisip naanerani atuutileraneranut aalajangersakkanik allattuineq.

7.5. Atuutilerneranut aalajangersakkat

Inatsisip oqaasertaasa ataatsimoortunngorlugit allanneqareerneranni, allannguutitut inatsisini atuutilernerannut aalajangersakkat tamarmik allatorneqassapput.

Siullermik inatsisip normua ullualu taassumalu qulequtaata ataani qulequtaa allanneqassapput. Inatsisip qulequtaa nalinginnaasoq allanneqassanngilaq. Inatsisip qulequtaata ataani qulequtaata kingorna Word-imi naggataani nassuiaat ikkunneqassaaq. Naggataani nassuiaammi allassimassaaq allannguutissatut inatsit aalajangersakkamut sorlermut tunngassuteqarnersoq.

Inatsisartut inatsisaat nr. 12, 29. november 2013-imeersoq (Elektronikimik tamanut nalunaaruteqartarnej)¹ atuutsitsilernissamut aalajangersakkamik matuminnga imaqarpoq:

§ 2

Inatsisartut inatsisaat manna ulloq 1. januar 2014 atuutilerpoq.

¹ Inatsisip allannguutaa § 31-mut tunngassuteqarpoq.

7.6. Namminersorlutik Oqartussat inatsisaannut nalunaarutit atsiorneqarnerat

Namminersorlutik Oqartussat inatsisinut nalunaarutai allaffissornikkut atsiorneqassapput. Taamaalilluni taakkua Naalakkersuisumit atsiorneqarsinnaanngilaq. Nalinginnaasumik taakkua naalakkersuisoqarfimmi pisortaanermit atsiorneqassaaq, immikkoortortaqarfimmi pisortaq pineqartoq saniatigut atsiussalluni.

Namminersorlutik Oqartussat inatsisaannut nalunaarutit Naalakkersuisoqarfimmit suliassaqarfimmut akisussaasuusumit allaffissornikkut saqqummiunneqartarnerat pissutigalugu, atsiorfissap siornani Naalakkersuisoqarfiup suliassaqarfimmut akisussaasuusup taaguutaa allanneqassaaq, aammalu “Namminersorlutik Oqartussat” allanneqassanani.

Naalakkersuisut Siulittaasuata Naalakkersuisoqarfia, ulloq x. xx xxx

Hans-Peder Barlach Christensen
Naalakkersuisut Siulittaasoqarfiani Pisortaq

/ Jógvan Svabo Samuelson

Kapitali 8

Allannguutininik ataasiakkaanik oqaasertaliisarneq pillugu

8.1. Allanngortitsinissamat periarfissat ataasiakkaat

Inatsimmik allanngortitsisoqarnerani pingaarnertigut periarfissat pingasuupput.

Aalajangersagaq nutaaq ilanngunneqarsinnaavoq;

Aalajangersagaq atuuttoq allanngortinneqarsinnaavoq;

Aammalu aalajangersagaq atuuttoq atorunnaarsinneqarsinnaavoq.

8.2. Immikkoortuinik, kapitalinik aamma paragraffinik oqaasertaliisarneq pillugu

Immikkoortut, kapitalit aamma paragraffit inatsimmi sumiinnerat nikisinneqarsinnaanngilaq.

Taamaalilluni “*Kapitali 6*” tamatuma kingorna “*Kapitali 7*”-nngussasoq,

ilanngussisoqarsinnaanngilaq. Tamatumunnga taarsiullugu “*Kapitali 6 a*”

ilanngunneqarsinnaavoq.

8.3. Immikkoortunik, litra-nik, normunik, ruumamiut kisitsisaannik mikisunik aamma oqaaseqatigiinnik oqaasertaliisarneq pillugu

Immikkoortut, litra-t, normut, ruumamiut kisitsisai mikisut aamma oqaaseqatigiit,

immikkoortuinut, kapitalinut paragraffinullu pisartut akerlianik nikisinneqarsinnaapput.

Immikkoortut marluk akornanni immikkoortumik ilanngussisoqassappat, immikkoortut

taakkua tamatuma kingorna nikisinneqassapput. Tamanna immikkoortup

oqaasertalerneqareernerani immikkut allanneqassaaq. Taamaattoq oqaaseqatigiit

nikisinneqarsimappata, tamanna allanneqassanngilaq. Oqaaseqatigiit ingerlaannartumik

nikisinneqartarput.

8.4. Oqaatsinik oqaasertaliisarneq pillugu

Oqaaseqatigiit tamakkerlugit allanngortinnissaannut taarsiullugu oqaatsit ataasiakkaat

allanngortinneqarsinnaapput. Kisianni taamaattoq allanngortitsineq aamma kalaallisoortaani

pisinnaasoq, tassani misissorneqassaaq. Aallaaviatigut oqaatsimik

ilanngussisoqarsinnaanngilaq imaluunniit atorunnaarsitsisoqarsinnaanani.

Kapitali 9
Kapitalinik oqaasertaliineq

NB: Immikkoortuisa kapitalinut periaaseq malippaat.

9.1. Kapitalimik ilanngussineq

1. Kapitali 6-ip kingorna ilanngunneqarpoq:

“Kapitali 6 a
(Qulequtaa)

§ 23 a. ...

§ 23 b. ...

§ 23 c. ...”

9.2. Kapitalimik allanngortitsineq

1. Kapitali 8 imatut oqaasertalerneqarpoq:

“Kapitali 8
(Qulequtaa)

§ 33. ...

§ 34. ...

§ 35. ...”

9.3. Kapitalimik atorunnaarsitsineq

1. Kapitali 3 atorunnaarsinneqarpoq.

Kapitali 10
Paragraffinik oqaasertaliineq

10.1. Paragraffimik ilanngussineq

1. § 6 kingorna ilanngunneqarpoq:
“ § 6 a. ...”

1. § 9 kingorna ilanngunneqarpoq:
“ § 9 a. ...
Imm. 2. ...
Imm. 3. ...

§ 9 b. ...
Imm. 2. ...
Imm. 3. ...”

10.2. Paragraffimik allanngortitsineq

1. § 6 imatut oqaasertalerneqarpoq:
“ § 6. ...”

1. §§ 8-10 imatut oqaasertalerneqarpoq:
“ § 8. ...
Imm. 2. ...

§ 9. ...
Imm. 2. ...

§ 10. ...”

10.3. Paragraffimik atorunnaarsitsineq

1. § 6 atorunnaarsinneqarpoq.

1. §§ 6, 8 amma **10** atorunnaarsinneqarput.

Kapitali 11

Immikkoortunik, litra-nik, normunik, ruumamiut kisitsisaannik mikisunik oqaaseqatigiinnillu oqaasertaliineq

NB: "Immikkoortunut" assersuutit kisimik takutinneqarput, tassami litra-ni, normuni, ruumamiut kisitsisaanni mikisuni oqaaseqatigiinnilu periaaseq taanna aamma malinneqartussaammat.

Oqaaseqatigiinnut tunngatillugu, oqaaseqatigiit nikisinneqarnerat allassimasanngilaq. Oqaaseqatigiit ingerlaannartumik nikisinneqartarput.

11.1. Immikkoortumik ilanngussineq

11.1.1. Immikkoortoq nutaaq paragraffimi immikkoortutut siullertut ilanngunneqarpat:

1. § 9-mi imm. 1 siorna immikkoortutut nutaatut ilanngunneqarpoq:
"..."

Imm. 1-5 tamatuma kingorna imm. 2-6-inngorput.

* "Imm. 1." paragraffimi immikkoortumi siullermi allanneqassanngilaq.

11.1.2. Immikkoortoq immikkoortut marluk akornanni ilanngunneqarpat:

1. § 9-mi imm. 3 kingorna immikkoortutut nutaatut ilanngunneqarpoq:
" Imm. 4. ..."

Imm. 4 aamma 5 tamatuma kingorna imm. 5-inngorlutillu 6-inngorput.

* Immikkoortut nikisinnissaat allassallugu eqqaamajuk.

11.1.3. Immikkoortoq paragraffimi immikkoortutut kingullertut ilanngunneqarpat:

1. § 9-imi imm. 5-itut ilanngunneqarpoq:
" Imm. 5. ..."

11.2. Immikkoortumik allannortitsineq

1. § 9, imm. 1, imatut oqaasertalerneqarpoq:
"..."

* "Imm. 1." allanneqanngilaq

1. § 9, imm. 3, imatut oqaasertalerneqarpoq:

” *Imm. 3. ...*”

1. § 11, imm. 2-4, imatut oqaasertalerneqarpoq:

” *Imm. 2. ...*

Imm. 3. ...

Imm. 4. ...”

11.3. Immikkoortunik atorunnaarsitsineq

1. § 3, imm. 3, atorunnaarsinneqarpoq.

Imm. 4 amma 5 tamatuma kingorna imm. 3-nngorput aammalu 4-nngorlutik.

Kapitali 12

Oqaasertaliisarneq

Aallaaviatigut oqaatsinik ikkussisoqarsinnaanngilaq imaluunniit atorunnaarsitsisoqarsinnaanani. Taamaallaat oqaatsimik allanngortitsisoqarsinnaavoq. Tamatumani kalaallisut oqaatsit atorlugit allannera pissutaavoq.

12.1. Oqaatsimik allanngortitsineq

1. § 17, imm. 2-mi, ”20” imatut allanngortinneqarpoq: ”25”.

Kapitali 13

Allakkianik aaqqissuussineq

Aaqqissuussinerit makkua allakkianut tamaginnut inatsisissatut siunnersuummi assigisaanilu ilaatinneqartuni atorneqassapput.

- 1) Word-imi inissitsiterinissamut pilersaaruseriikkani atueqqusaanngilaq.
- 2) Sinaanni margen tassaassaaq "2,5 cm".
- 3) Immikkoortup siorna kingornalu ungasissusaa tassaassaaq "0 pkt."
- 4) Titarnerit ungasissusaa atorneqartussaq tassaassaaq "Flere linjer".
- 5) Titarnerit ungasissusaa tassaassaaq "1,2".
- 6) Allannermi atorneqartoq tassaassaaq "Times New Roman".
- 7) Allannerisa angissuserissavaat "12".
- 8) Peqqussutit quppernerup normuani "1"-imi aallartissapput.
- 9) Ilanngussani peqqussutip quppernerisa normulersornera ingerlaannassaaq.
- 10) Nassuiaatit quppernerup normuani 1-imi aallartissapput.
- 11) Quppernerup normua quppernerup naqqani qeqqanut inissinneqassaaq.
- 12) Peqqussutini imaluunniit nassuiaatini il.il. oqaatsinik kittoraasersuineq atorneqassanngilaq.
- 13) Oqaasertai saamerlermut iluarsineqarsimassapput.

Kapitali 14

Atuutilersitsinermut ikaarsaarnissamullu aalajangersakkat

14.1. Malittarisassat makkua ulloq 1. maj 2023 atuutilerput.

14.2. Peqatigisaanik Namminersorlutik Oqartussat inatsimmut nalunaarutaannik suliaqarnermut malittarisassat 10. september 2022-meersut atorunnaarsinneqarput.

14.3. Malittarisassani makkunani aammalu Inatsisilioriaatsinut malittarisassani 1. november 2011-meersuni aalajangersakkat imminnut naapertuutinnginneranni, malittarisassani makkunani aalajangersakkat malinneqassapput.

Inatsisilerinermut immikkoortortaarfik, ulloq 28. april 2023

Jógvan Svabo Samuelson (sign.)

Inatsisileriffimmi pisortaq